



IBanga
lesi- **3**

Incwadi Enkulu yezindaba ezincane

ISIZULU



basic education

Department:
Basic Education
REPUBLIC OF SOUTH AFRICA

Incwadi yesi-

5

Isetshenziswa kanjani Incwadi Enkulu:

Izindaba ezikule ncwadi:



Njengothisha, kuzodingeka uzilungiselele ukwenza isifundo sokufunda ngokuhlanganyela nekilasi lakho. Ngokujwayelekile, uma kufundwa ngokuhlanganyela wena thisha usebenzisana nekilasi lonke; kanti uma lilikhulu kakhulu kudingeka ulehluwanise amaqembu amancane, noma-ke usebenze nengxene yalo. Kumele uqiniseke ukuthi abafundi bahlala benze isiyangi bayibone kahle Incwadi Enkulu ukuze bakwazi ukufunda kalula okubhalwe kuyo.

Encwadini Enkulu umfundu ufunda ukubamba incwadi, ukuyimisa kahle, kanye nokuphenya amakhasi ngenkathi kufundwa ngokuhlanganyela. Nendlela okufundwa ngayo umfundu uyaqequesheka ngayo, kuthuthuke ikhono lokulalela, lokukhuluma, lokufunda imibhalo, lokucabanga nelokubhala, njengoba kubalula iCAPS:

- Ukuthuthukisa ikhono lokulalela nokukhuluma.
- Ukuthuthukisa ikhono lokufunda kwabasaqala.
- Ukuphendula imibuzo emayelana nendaba.
- Ukuzibandakanya ezingxoxweni nalapho kukhulunya ngokudedelana.
- Ukudweba, ukulingisa indaba.
- Ukusebenzisa izithombe ukuqagela ukuthi indaba imayelana nani.
- Ukufunda ngokuhlanganyela ukuze kuthuthukiswe ukubhala ngokuhlanganyela.


1 Izicathulo zikaMandu zokugijima



1

2 U-Anansi nekhabe elikhulumayo

11



Ukulungiselela ukufunda Incwadi Enkulu

- Qiniseka ukuthi bonke abafundi bayayibona incwadi. Uma ikilasi lakho lilikhulu, yakha iqembu elincane usebenze nalo.
- Kuzodingeka wenze uhlaka ozomisa ngalo incwadi ukuze uvike ukuhlala uyibambile ngenkathi kufundwa. (Bheka imiyalelo yokwenza uhlaka lokumisa incwadi ekhaveni ngemuva.)
- Sebenzisa irula ukukhomba nokulandela amagama ngenkathi ufunda.
- Uma ufuna ukuggamisa amagama athile, sebenzisa amabhamuza enkulomo ukokelezele igama ngawo, noma usebenzise esikubiza 'ngephepha elinefasitela'. Ungakwenza lokhu ngokusika iphepha libe ngunxande, bese usika unxande phakathi nalo wakhe ngawo ifasitela, bese leli phepha ulibeka phezu kwamagama ukuze kugqame igama eliodwa ngesikhathi.

Ukufunda ngokuhlanganyela kokugala

Ingxene yokuqala kulesi sifundo ibheka kakhulu ukuthi abafundi bayakujabulela yini ukufunda 'nokubona' umbhalo okokuqala, lapho abafundi kudingeka khona bakhombise ukuzibandakanya ngamunye ngamunye.

- Phenya amakhasi endaba ezofundwa udlulise amehlo. Xoxa ngezithombe zayo.
- Cela abafundi baqagele ukuthi indaba imayelana nani ngokulandela izihlokwana kanye nezithombe.
- Yethula amagama alukhuni namasha ngaphambi kokuthi abafundi bayifunde indaba.
- Yenza amakhadi amagama uwasebenzise ukwethula ulwazimagama.
- Yifunde indaba usebenzisa izimo ezahlukahlukene zobuso uphinde uguquguqule izwi, ubuye ufunde ngokushesha. Sebenzisa izitho zomzimba kanye nezimo zobuso ngokuziguqla njalonjalo.
- Sebenzisa induku noma irula ukukhomba amagama ngenkathi uwafunda ukuze abafundi babone ukuthi ufunda kuphi, bakwazi ukunamathisela umsindo wezinhlamvu ngokufanele ekhasini. Lokhu kuzobasiza ukuthola ukuthi kufundwa kusukwe kwesokunxele kuyiwe kwesokudla, kanti kuqalwa phezulu kuyophunywa phansi.
- Sebenzisa lokhu ukwethula 'ulimi lwencwadi': amagama, imisho, ikhasi, umbhalo, isihloko, njll.
- Dedela abafundi bazibandakanye nendaba ngokuthola ithuba lokungenelela (njengokuthi badedelwe bamemeze uma mhlawumbe kuthiwa "Gijima, gijima, gijima kakhulu, ngeke uze ungibambe kodwa mina – ngiyindoda eyisinkwa sezimanga!") uma kukhona lokhu embhalweni ofundwayo.
- Kumele kufundwe indaba efanayo izikhathi ezimbili noma ezintathu ukunikeza abafundi ithuba lokuqonda amagama angaba yidlanzana, ukulingisa izinto ezenzeka endaben'i noma ukuphinda baxoxe izingxene zendaba bazethule ngawabo amazwi.

Ukufunda ngokuhlanganyela kwesibili

- Lapho sekufundwa okwesibili kudingeka kusetshenziswe umbhalo ofanayo, bese kubhekwa kakhulu ukuzibandakanya kwabafundi ngokuthi uthisha axoxisane nabo ngenhlosi yokuthuthukisa ulwazimagama, ukuqonda izakhiwo zamagama (ulimi, ukusetshenziswa kwezimpawu, njll).
- Kukuwe thisha ukuthi ubheke kakhulu izinto ezifana: nokuma kwemibhalo, ukwakheka kwemibhalo, imisindo, ulimi, ukubona amagama athile kanye namazinga ahlukahlukene okuqonda imibhalo (ukuhleleka, ukuthi amagama aqonden'i, ukuwacwaninga kanye nokubuza imibuzo ekhombisa ukulangazelela).

Ukufunda ngokuhlanganyela kwesithathu

- Uma sekufundwa okwesithathu, abafundi kumele bazifundele bona uqobo, baxoxe baphinde babhale imisebenzi yokwenziwa ngombhalo abawufundile.
- Uma kuvuma, Ukufunda Ngokuhlanganyela kumele kubambe iqhaza ekwenzeni ngcono. Ukubhala Ngokuhlanganyela, lapho uthisha ekhombisa khona ukuthi kubhalwa kanjani, abafundi babhale ngokwabo nabo ngenkathi uthisha elokhu ebahlola enza namanothi. Lokhu kukhulisa abafundi uma kufika isikhathi sokuzenzela ngokwabo imisebenzi ebhalwayo.


1

Izicathulo zikaMandu zokugijima



UMandu wayenza iBanga
lesi-4 eGreenway okuyisikole
samabanga aphansi esiseThekwini.
Wayengumgijimi onekhono, ehlala
ezilolonga zonke izinsuku.

Abantwana babelokhu bemgcona
ngoba engenazo izicathulo
zokugijima. Wayefisa ukuba nazo
ngokuthi izinyawo zakhe ngoba
izinyawo zakhe zazilimala, ikakhulu
uma ilanga lishisa. Wayengakuthandi
ukuhlekwa ngabanye abantwana.




Ngomunye uMgqibelo uMandu wathatha imali ayeyongile waya esitolo sezinto zemidlalo edolobheni. Wathi uma ezibona izicathulo waphatheka kabi, ngoba yayingele ukuzithenga imali ayeyiphethe.

UNkk Masondo, umninisitolo, wakubona ukukhathazeka kwakhe ekubona emehlwani. "Uma unganqoba umjaho, ngingakupha izicathulo zokugijima," kusho yena. "Kodwa uma unganqobi, kuzodingeka uzikhokhele," esho emamatheka nokho.


"Awu, Ma'am, ngiyabonga kakhulu! Ngizozilolonga nsuku zionke ngiqiniseke

ukuthi ngiyanqoba,” kusho uMandu
ngezwi elibongayo.



Nempela kwaba njalo. Wagijima njalo izinyawo zakhe zaze zaba buhlungu.

“Ngizoqhube ka,” ezitshela. “Kumele ngingayeki.”




Lwafika usuku olukhulu, uMandu
wayethukile ngenkathi efika emqgeni
okusukelwa kuwo.

Kodwa kwathi uma esuka sekugijinywa
wakhohlwa wukwethuka.

Wagijimisa okomoya, wayokweqa
umugqa wokunqoba ebashiya kude
ayegijima nabo.


“Nginqobile! Nginqobile!”
kumemeza yena ngentokozo
enkulu, ebuka izicathulo ezinomlingo
okwasekungezakhe.



U-Anansi nekhabe elikhulumayo

Ngelinye ilanga ekuseni, u-Anansi isicabucabu wayezihlalele esicongwени sesihlahla esasinameva. Ehleli nje u-Anansi wayebukela indlovu isebenza ihhala ensimini yayo yamakhabe. Ukuwabheka nje amakhabe uAnansi, kwamenza walamba kakhulu.

Ngiyawathanda amakhabe kodwa
ukuwatshala kunzima. Impela
kufanele ngilithole elilodwa.




Kwathi phakathi nosuku indlovu
yahamba yaya kophumula. Hhawu
phela lesi yisikhathi u-Anansi
abesilindile. Waphula iva elikhulu
esihlahleni walisebenzisa ukubhoboza
imbobo ekhabeni elikhulu kunawo wonke
futhi elivuthwe kahle.

Ehhe! Manje yithuba lami.
Ngizodla ngisuthe.



U-Anansi eselibhobozile ikhabe, wabe
eseqala edla. Walidla ikhabe isisu
sakhe saze sagcwala safana nebholo.



Eshu! Akusaphumeki
lapha!

Kwathi uma esedle wadela u-Anansi,
kwanzima ukuphuma ekhabeni ngoba
wayedle kakhulu, isisu sekungamapaklakla.

Maye isisu sami sigcwele!
Ngeke ngize ngikwazi
ukuphuma kuleli khabe.



Wahlala u-Anansi ngaphakathi
kwekhabe engazi ukuthi enzeni.
Kwathi kusenjalo wezwa izigi, kanti
indlovu iza engadini. Ngaleylo nkathi
walithola icebo u-Anansi.



Uma indlovu isondela,
ngizokhuluma. Izocabanga
ukuthi ikhabe liyakhuluma.

Kwathi uma indlovu ithi iqukula
ikhabe, Hhawu! yalizwa likhuluma.
Yalalelisa indlovu. Yimihlola le! impela
liyakhuluma ikhabe! Kufanele inkosi
yezilwane isibone lesi simanga.




Ikhabe
elikhulumayo!
Kodwa ubani ongakholwa
yilesi simanga? Kufanele
ngitshengise inkosi lesi
simanga.

Ake
ungibheke kahle.
Mina ngiyinkosi
yamakhabe.

Inkosi yayimangele uma indlovu
iyinikeza ikhabe. Inkosi yezilwane
yayizithanda izipho ezikhethekile.
Ikhabe lona lalingabalu kile.

Kungani ungilethele leli khabe?
Nginamakhulukhulu amakhabe
engadini yami.




Leli khabe, nkosi yami,
liyakhulumma.

Inkosi yayicabanga ukuthi indlovu
iyayikhohlisa. Yaqala yathukuthela.

Ikhabe elikhulumayo?
Angikholwa. Hehehe!
Ngizoke ngizwe.



Yathukuthela inkosi yalilahlela le
kude ikhabe. Lagingqika ikhabe
labuyela engadini yendlovu. Lashayeka
esihlahleni laba yizingcezungcezu.
Waphuma eqhantsha u-Anansi!



Yimbudane yani le!

Yimi inkosi!

Ngale nkathi u-Anansi wayeselambile futhi. Wagibela esihlahleni sikabhana efunu ubhanana angahle awudle.

Ngaso sona leso sikhathi yabuya indlovu. Yayithukuthele.

"Kanti kwenzekani engadini yami?
Liphi leli khabe elikhulumayo?
Ngizolikhombisa kahle."


Nina makhabe ndini
ningixabanise nenkosi!
Kunekhabe elithe
lona liyinkosi.



Wahleka yedwa u-Anansi.

Yehheni we
bantu! Ubhanana
okhulumayo!

Inkosi yamakhabe?
Ubulima lobo. Mina
ngiyinkosi kabhanana!



Indlovu yayisidunyelwa ikhanda, ingazi
yenzenjani manje.



Siyakwamukela kulolu chungechunge IweZincwadi Ezinkulu. Incwadi Enkulu lena ingxenye yezinewadi ezisohlwini olubizwa ngeRainbow Series, okukhona kuyo izincwadi zokusebenzela, isilulu sezindaba nezinkondlo, amaphosta kanye nezincwadi ezihlelwe ngamazinga ehlukahlukene. Sethemba ukuthi uzozithola zilusizo izindaba ezahlukahlukene ochungechungeni Iwalezi Zincwadi Ezinkulu eziyishiyagalombili ezibekelwe leli banga. Kulindeleke ukuthi abafundi bakho bakuthokozele ukufunda ngokuhlanganyela. I-CAPS, Emabangeni Aphansi iphawula ukuthi kubalulekile Ukufunda Ngokuhlanganyela ekufundiseni ukufundwa kwemibhalo. Ukufunda Ngokuhlanganyela kuvame ukuthatha izinsuku ezimbili kuya kwezine esontweni ngalinye lapho umfundi ngamunye efunda khona umbhalo ofanayo. Izincwadi zokusebenzela, ndawonye nezincwadi ezihlelwe ngokwamazinga, kulungiselwe ukufezekisa yona le ngxenye yokufunda.

Nokho-ke, ukusebenzisa Incwadi Enkulu enamagama amakhulu lapho fundwa ngokuhlanganyela, kuyindlela enhle kakhu lu ngoba abafundi bakwzi ukubona amagama nezithombe, bakulandele ngenkathi ufunda, lokhu kwenzeke ngendlela efanayo nangenkathi izindaba zisaxoxwa. Kubalulekile ukuthi abafundi bahlale bakhe isiyangi bakokelezele Incwadi Enkulu, ukuze bawubone futhi bawufunde kahle umbhalo wayo. Amagama amakhulu akule ncwadi asiza ukuthi kufundeke kalula ngokuphumisela ukuze kuzwe abafundi abaningi ngesikhathi esisodwa esimeni esikhululekile nesejwayelekile.


Izincwadi ezinkulu kulolu chungechunge zethula kubafundi izindaba ezahlukahlukene, izinkondlo, imilolozelo kanye nemidalo okuhambisana nolwazi kanye nemibhalo enezithombe.

Umsebenzi wakho njengothisha ukwenza izindaba ziphile ngenkathi ufundela abafundi, zijabulise, zibe noggozi. Ukusebenzisa Izincwadi Ezinkulu kwenza ukufunda kuthokozelwe nguwe kanye nabafundi ngokufanayo. Sethemba ukuthi le ncwadi izokusiza kulo khulu.

Eminye imibono ngokufunda Incwadi Enkulu

- Sebenzisa ipulastiki ukwemboza Incwadi Enkulu. Kuyamsiza umfundi kanye nothisha lokhu ukuba abhale kukho.
- Bhala ngepeni elisuleka ngamanzi kulesi sembozo sepulastiki.
- Sebenzisa iphegi ukunamathisela ipulastiki encwadini enkulu.

ISBN 978-1-4315-2985-8



ISBN 978-1-4315-2985-8

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

Zenzele olwakho uhlaka lokumisa Incwadi Enkulu

Nakhu ozokudinga:

- Ikhadibhodi elinobubanzi obulingana nobeNcwadi Enkulu (594 mm) kanye nobude obuphindwe kathathu (1360 mm).
- Itheyiphu yokunamathisela
- Amaphegi amabili okunamathisela ikhadibhodi.

Sebenzisa itheyiphu yokunamathisela ukuhlanganisa izingcezu zekhadibhodi.

Goqa ikhadibhodi ulenze uhlaka bese ubamba iphansi lalo nengaphambili ukuhlanganise njengoba kukhonjiswe emdwebeni.

